

**ODLUKA**

**O PRIHVATANJU ZADUŽENJA PO KREDITNOM SPORAZUMU IZMEĐU BOSNE  
I HERCEGOVINE I KUVAJTSKOG FONDA ZA ARAPSKI EKONOMSKI RAZVOJ  
(KFAER) ZA REALIZACIJU PROJEKTA AUTOPUT NEMILA - DONJA  
GRAČANICA**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Parlament Federacije Bosne i Hercegovine je, na sjednici Predstavničkog doma, održanoj 22.05.2018. godine i na sjednici Doma naroda, održanoj 06.06.2018.godine, d o n i o

## **ODLUKU**

### **O PRIHVATANJU ZADUŽENJA PO KREDITNOM SPORAZUMU IZMEĐU BOSNE I HERCEGOVINE I KUVAJTSKOG FONDA ZA ARAPSKI EKONOMSKI RAZVOJ (KFAER) ZA REALIZACIJU PROJEKTA AUTOPUT NEMILA – DONJA GRAČANICA**

#### **I.**

Prihvata se zaduženje Federacije Bosne i Hercegovine (u daljnjem tekstu: Federacija BiH) po Kreditnom sporazumu između Kuvajtskog fonda za arapski ekonomski razvoj (u daljnjem tekstu: Fond) i Bosne i Hercegovine (u daljnjem tekstu: BiH) za realizaciju Projekta autoput Nemila – Donja Gračanica u iznosu 11.600.000,00 KWD (cca 36.000.000,00 EUR) za Javno preduzeće Autoceste Federacije BiH d.o.o. Mostar (u daljnjem tekstu: JP Autoceste FBiH).

#### **II.**

Sredstva kredita iz tačke I. ove odluke koristit će se za realizaciju Projekta autoput Nemila – Donja Gračanica. Svrha Projekta je jačanje i promovisanje socijalne ekonomije BiH kroz poboljšanje prometne povezanosti i povećanje učinkovitosti prometne infrastrukture uz dionicu Nemila – Donja Gračanica.

#### **III.**

Sredstva kredita iz tačke I. ove odluke odobravaju se Federaciji BiH pod sljedećim uvjetima:

- rok otplate:.....20 godina,
- grace period:.....5 godina,
- kamatna stopa:.....2,0% p.a.,
- dodatna naknada za administrativne troškove:.....0,5% p.a.,
- naknada za posebne obaveze.....0,5% p.a.,
- dospjeća:.....polugodišnje u jednakim otplatama glavnice.

#### **IV.**

Potvrđuje se da je razmatrana dokumentacija prihvatljiva za Federaciju BiH, a posebno:

- Zapisnik sa pregovora,
- Kreditni sporazum između Fonda i BiH.

## V.

Sredstva kredita iz tačke I. ove odluke Federacija BiH će po kreditnom osnovu prenijeti na JP Autoceste FBiH, koje je krajnji korisnik i dužnik po ovom kreditnom zaduženju.

U periodu implementacije Projekta u budžetu Federacije BiH nije potrebno osigurati finansijska sredstva za dodatno sufinansiranje Projekta.

## VI.

Zadužuje se Federalno ministarstvo finansija da sa JP Autoceste FBiH usaglasi i sklopi odgovarajući podugovor o kreditu, kojim će, u svrhu redovne otplate, definirati uvjete vraćanja sredstava koja se prenose po kreditnom osnovu.

## VII.

Daje se saglasnost za zaključivanje Supsidijarnog sporazuma između BiH i Federacije BiH, kao i saglasnost za zaključivanje i usaglašavanje odgovarajućeg podgovora o kreditu između Federacije BiH i JP Autocesta FBiH, kojim će se, u svrhu redovne otplate, definirati uvjeti vraćanja sredstava koja se prenose po kreditnom osnovu.

Za potpisivanje Supsidijarnog sporazuma i Podgovora o kreditu ovlašćuje se federalni ministar finansija.

## VIII.

Za realizaciju ove odluke i izvještavanje zadužuju se Federalno ministarstvo finansija, Federalno ministarstvo prometa i komunikacija i JP Autoceste FBiH, svako u okviru svoje nadležnosti.

## IX.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

## X.

Ova odluka stupa na snagu narednog dana od dana objavljivanja u "Službenim novinama Federacije BiH".

**PF BiH broj:01-02-890/18**  
**Sarajevo, 06.06.2018. godine**

**PREDSJEDAVALA  
DOMA NARODA  
PARLAMENTA FEDERACIJE BIH**

**Lidija Bradara**

**PREDSJEDAVALA  
PREDSTAVNIČKOG DOMA  
PARLAMENTA FEDERACIJE BIH**

**Edin Mušić**